



Hubert Tomascett (a san.), schef tir da prestaziun, cun Urs Brazerol, il campiu grischun arma da sport en venter.




Eugen Giger (a san.) e Guido Sgier fan bilantscha dal tir.



Paran d'esser cuntents cun lur resultat: Ignaz Caduff e Silvio Riedi (da san.).



Carl Frischknecht ha persvas e gudagnà il tir arma da militar duas posiziuns.



Ulteriur plaz da podest per Otto Morell.



Danovamain vicecampiu grischun: Otto Bass.



Sin il podest tar l'occurrenza pistola 50 meters: Guido Zellweger, Elmar Fallet e Ramon Cramerli (da san.).

FOTOS G. N. STGIER

Sis novs campiu grischuns

Tir 300 meters: Campiunadi grischun

DA GION NUTEGN STGIER / ANR

■ **Paucas giadas è l'occurrenza stada dad uschè gronda tensiun sco sonda passada. Cunzunt sin la distanza da 300 meters è vegni sajettà piz a cup. En las duas categorias da pistola, qua ha in participant dominà il campiuadi e quel sa numna Elmar Fallet.** Ils Campiunadis grischuns da 300 meters e da 25/50 meters èn d'esser il final da gruppas in dals puncts culminants da l'onn per tiradurs e tiraduras. Per ina giada èn las relaziuns stadas fitg bunas al stan da tir Rossboden a Cuira. Tratg las diversas categorias han en tut 130 participants e participantas.

Per l'emprima giada campiu grischun

Daventà campiu grischun e quai per l'emprima giada cun l'arma da sport en venter è Urs Brazerol (Farrera). Fatg il fundament per ses success ha el cun las emprimas duas da sis passas cun far 100 e 99 puncts. Il tiradur da la Val Alvra ha gudagnà l'occurrenza cun 586 puncts e battù uschia il favorit Meinrad Monsch (Zezras). Quel ha terminà il tir sco segund cun sajettà 580 puncts. Cumplessivament il podest ha lura Michael Johanni (Flerda). Gion Cajochen (Surrein) è vegni sco gavel meglier Sursilvan. Cun quella arma defendi ses tetel ha Georg Maurer (Favugn) en la categoria duas posiziuns. El ha tratg 568 puncts, trais puncts dapli che Otto Bass (Rabius), el ch'è vegni sco avant in onn vicecampiu grischun. Terz è vegni Christian Felix (Haldenstein) cun in resultat da 563 puncts.

Victoria per Hans Luzi Stucki

Plain tensiun èn stadas las duas occurrenzas cun l'arma da militar. Cun la buis 90 è Hans Luzi Stucki (Valendau) vegni campiu grischun e quai gist tar sia emprima participaziun. Il victur dal Tir champster 2017 ha sajettà 560 puncts. Be in punct pli pauc ha tratg David Solèr (Flem), el che tira per l'Uniu da tir Castrisch. Cun in resultat da 559 puncts è el i a chasa cun la medaglia d'argient. La medaglia da bronz, quella ha retschet Ralph Komminoth (Maiavilla). Savel è vegni Johann Peter Capeder (Castrisch). Urs Nauli ha tratg il pli precis cun l'arma da militar 57/03 e scrit a la fin 573 puncts. Gist medem blers ha lura er fatg ses ami d'uniun Norbert Caviezel. Dentant che Nauli ha già 15 culps en mez la schiba ha ses concurrent be già 11 da quels culps perfatgs. Gaudenzio Vincenti (Castasegna) è vegni terz cun in resultat da 567 puncts. Silvio Riedi (Flond) ha mancadà da cuntanscher il terz plaz be per trais puncts. La disciplina arma d'ordonnanza duas posiziuns ha gudagnà Carl Frisch-


knecht (Tumegl), il president da l'Uniu grischuna da tir. El ha obtegnì 544 puncts, dus dapli che Urs Nauli. Otto Morell (Samedan) è vegni grazia a ses 541 puncts terz. Robert Studer (Castrisch) ha mancadà sco quart da far la medaglia da bronz per trais puncts. Campiu grischun dals giuvens è vegni cun l'arma da militar en venter Serafin Wieland (Borgonovo).

Bain en furma

Ina classe per sasez è lura stà Elmar Fallet (Müstair) sin las duas distanzas cun la pistola. Il campiu svizzer dal 2017 e victur da festa da la Festa da tir chantunala 2018 en Surselva ha gudagnà l'occurrenza da 25 meters ed er quella da 50 meters. Il pur e tiradur para d'esser bain en furma e pront per defender ses tittel da campiu naziunal en duas emnas a Berna.



Il vicecampiu arma 90 en venter David Solèr.



Robert Studer en discussiun cun ses figl Robin Studer.